



職官考

武職

內侍

附掖庭署

權設職

致仕

文獻備考



東國文獻備考卷之二百二十四

校正

職官考 十三

武職

五衛都總府

新羅置侍衛府諸軍官及諸監諸幢

高麗定宗時崔光胤爲契丹所擄知契丹有侵伐之
志爲書以報選軍三十萬號光軍司以領之後改爲
光軍都監顯宗復改爲光軍司

恭愍王始置忠勇四衛每衛置將軍各一人中郎將

各三人卽將各二人

原本作三人

別將各五人散員各五

人尉將各二十人隊長各四十人又設都總都監置

點防里軍

辛禍置武藝都監因中卽將郭海龍獻議也

恭讓王省前軍後軍只置中軍左軍右軍爲三軍都

總制府統中外軍事以受田散官及屈新舊京畿者

四十二都府各成衆愛馬分屬焉都總制使一人侍

中以上三軍總制使各一人省宰以上副總制使各

一人通憲以上斷事官二人正順以下五品以上經

歷一人都事一人六房錄事各一人軍錄事一人六

房典史各三人

又置都府中外郎將一人郎將三人別將二人
三人尉隊正數闕

又置儀仗府一領郎將一人別將一人散員二人尉
五人隊正十人又置宮城宿衛府有提調提舉

又置堅銳府一領別將一人尉二人隊正四人

本朝太宗九年罷三軍府爲鎮撫所隸於兵曹掌率
禁旅輪番宿衛都鎮撫五員鎮撫十員或十五員三
十員曰時增減皆以他官兼又改三軍爲五衛世祖
朝有意軍政改鎮撫所爲五衛都總府專委軍務不

隸兵曹定都總管十員或稱副總管鎮撫二員經歷
三員都事七員後減鎮撫改經歷爲四員都事爲四
員燕山革堂上五員卽廳四員中宗卽位初並復舊
肅宗十三年增置經歷都事各二員 吏屬書吏十
三人使令十四名房直二名軍士二名

○補徐居正都總府顯名記都總管則雖以宗戚三
公之重亦為兼之所以高其選而寵其任也於是
兵曹總兵政總府總軍務體統相維而軍政益明
矣

○補柳馨遠曰今雖有五衛之設衛將十二人通五

衛將而未有定將其衛之事每八直闕內隨點定
所數日而更衛將直過客而五衛皆無其將
矣

五衛

高麗太祖初有馬軍將軍大將軍是武職也又置六
衛穆宗備置六衛職員後置鷹揚龍虎二軍在六衛
之上後又設重房使二軍六衛上大將軍皆會焉毅
明以降武臣用事重房之權益重忠宣罷而旋復終
高麗之世不能廢焉至恭讓王時二軍六衛并稱八

衛

鷹揚軍一領軍置上將軍一人大將軍一人領置將

軍一人

恭愍王改將軍為護軍諸衛同

中郎將二人郎將二人別將

二人散員三人尉二十人隊正四十人

鷹揚龍虎二軍上大將軍

稱近仗上大將軍將軍稱親從將軍中郎將以下亦稱近仗又鷹揚軍上將軍兼軍簿典書者稱班主

龍虎軍二領軍置上將軍一人大將軍一人每領置

將軍各一人中郎將各二人郎將各五人別將各五

人散員各五人尉各二十人隊正各四十人

忠宣王改龍虎

為虎賁後改親禦軍後復改為龍虎軍

左右衛保勝十領精勇三領衛置上將軍一人大將

軍一人每領置將軍各一人中郎將各二人郎將各

五人別將各五人散負各五人尉各二十八隊正各

四十人

中郎將以下皆有攝
並各品之從諸尉同

神虎衛保勝五領精勇二領衛置上將軍一人大將
軍一人每領置將軍各一人中郎將各二人郎將各
五人別將各五人散負各五人尉各二十人隊正各
四十人

興威衛保勝七領精勇五領衛置上將軍一人大將
軍一人每領置將軍各一人中郎將各二人郎將各
五人別將各五人散負各五人尉各二十人隊正各
四十人

金吾衛精勇六領役領一領衛置上將軍一人大將

軍一人每領置將軍各一人中郎將各二人郎將各

五人別將各五人散員各五人尉各二十人隊正各

四十人

忠宣王改金吾為備巡恭愍王五年復稱金吾衛十一年復為備巡衛十八年復稱金吾

衛後復改
備巡衛

千牛衛常領一領海領一領衛置上將軍一人大將

軍一人每領置將軍各一人中郎將各二人郎將各

五人別將各五人散員各五人尉各二十人隊正各

四十人

監門衛一領衛置上將軍一人大將軍一人領置將

軍一人中郎將一人郎將五人別將五人散員五人
尉二十人隊正四十人 六衛長史各一人
恭愍以後罷之
錄事各二人掌衛中諸務 吏屬有史三人記官二
人

本朝太祖元年曰麗制置義興親軍十衛左衛右衛
鷹揚衛金吾衛左右衛神虎衛興威衛備巡衛千牛
衛監門衛有上將軍各一員大將軍各二員都護八
衛將軍各二員都府外左領右領中郎將各一員郎
將各二員別將各三員散員各四員尉各二十員正
各四十員每衛各置五領每領有將軍各一員中郎

將各三員卽將各六員別將各六員散員各八員尉

各二十員正各四十員文宗元年改置五衛

詳見義兵考

興中衛稱外所今衛將所曹司衛將主管龍驤左衛
稱南所肅賁右衛稱西所忠左前衛稱東所忠武後
衛稱北所有將十二員以他官兼後以其中二員稱
曹司衛將英宗四十年曹司衛將一員定以文臣差
部將二十五員 軍職則有上護軍九員大護軍十
四員護軍十二員副護軍五十四員司直十四員副
司直一百二十三員司果十五員副司果一百七十
六員司正五員副司正三百九員司猛十六員副司

猛四百八十三員司勇四十二員副司勇一千九百
三十九員後上護軍減爲八員其二原錄遞兒其一
宣傳官其一寫字官其一製述官其三禁軍大護軍
減爲十二員其二原錄遞兒其五親功臣其二功臣
嫡長其一南虞候其一宣傳官其一寫字官護軍減
爲四員并原錄遞兒副護軍增爲七十六員其五親
功臣其一承襲君其二功臣嫡長其一禁軍別將其
七禁軍將其三護衛別將其一宣傳官其八訓練都
監將官其二軍兵其六禁衛營將官其八御營廳將
官其三總戎廳將官其五守禦廳將官其四內醫院

醫員其一寫字官其一吏文學官其五捕盜軍官其
十三禁軍司直減爲十一員并原錄述兒副司直減
爲一百員其十七原錄述兒其三承襲君其七功臣
嫡長其一宣傳官其三未挈家守令其六訓練都監
將官其四軍兵其五禁衛營將官其五內醫院醫員
其一寫字官其四司譯院譯官其一觀象監述者其
十二捕盜軍官其三十一禁軍司果增爲二十一員
并原錄述兒副司果增爲一百七十七員其三十五
原錄述兒其五親功臣其二承襲君其七功臣嫡長
其一宣傳官其六訓練都監軍兵其一禁衛營軍兵

其一內醫院醫員其一寫字官其一吏文學官其一
司譯院譯官其七訓鍊院習讀其二畫員其一典醫
監習讀其一觀象監習讀其一惠民署聰敏其一治
腫其一守門將其十八捕盜軍官其八十二禁軍其
二忠義衛司正增爲二十員并原錄遞兒副司正減
爲二百四十九員其三十三原錄遞兒其一承襲君
其六功臣嫡長其一宣傳官其十三武臣兼其六訓
鍊都監軍兵其一禁衛營軍兵其二內醫院醫員其
一吏文學官其二司譯院譯官其三觀象監習讀其
一禁漏官其一訓鍊院習讀其二權知參軍其三十

八奉事其一畫員其一典醫監醫員其三守門將其
六通禮院兼假引儀其十二捕盜軍官其一百十五
禁軍司猛減爲十五員并原錄遞兒副司猛減爲二
百十三員其二十七原錄遞兒其六宣傳官其十武
臣兼其四未挈家守令邊將其一吏文學官其八司
譯院譯官其二訓練院權知參軍其一畫員其一耆
老所樂房其六通禮院兼假引儀其一宗親府醫員
其一議政府醫員其一中樞府醫員其一忠勲府醫
員其一六曹醫員其二製述官其二觀象監習讀其
二命課學教授其一禁漏官其一百三十二禁軍其

三忠義衛司勇減爲二十四員并原錄遞兒副司勇
減爲五百八十一員其一百五原錄遞兒其二十功
臣嫡長其九宣傳官其二十七武臣兼其二十一未
挈家守令邊將其十七司譯院譯官其四觀象監習
讀其二十二訓練院習讀其四權知參軍其一校書
官補字官其四唱準其一惠民署治腫其十九守門
將其一宗親府醫員其二弓房司鑰其三百二十四
禁軍 吏屬衛將所書員二十一人使令十八名五
衛將廳書員九人使令五名廳直房直各四名四所
巡更軍各六名部將廳書員二人使令一名房直一

名軍職廳書員堂下軍職廳書員各一人庫直房直
各一名軍士各二名

五衛舊制盡罷而官名獨存將及部將分番八直
巡更護軍以下屬軍御遠兒減其祿廩以待各色
人員陞降來付者

臣謹按歷代總兵之職各異其制非如諸司
之名號比類故勝國以前諸軍司合載於都
摠府而惟八衛與本朝國初之制相近故今
附於五衛云

龍虎營

本朝國初置兼司僕五十員又置內禁衛羽林衛

大典

云成化年間始設

掌宿衛陪扈以兵曹判書總領置內禁衛

將三員兼司僕將三員並以它官兼燕山改稱衝鐵衛預差改稱掃狄衛中宗即位初復舊七年增設定虜衛屬兼司僕將孝宗三年增置禁軍置左右別將各一員內禁衛將六員兼司僕將二員羽林衛將二員顯宗七年設禁軍廳分七番置三正九領宣傳官取才出身四十員部將取才出身十五員抄屬改左右別將爲別將減內禁衛將三員英宗三十年改置龍虎營兵曹判書總領別將及將仍舊從事官一員

兵曹一軍色郎例兼 吏屬書吏五人以兵曹一軍
色書吏輪差房直一名

壯勇營

續本朝令上朝以局出身三十窠仍增二十人別設
一廳置提調一員兵房一員善騎別將一員把總三
員善騎將二員郎廳一員哨官十五員監官四員
寫字官一人畫士一人醫員一人吏屬書吏六人書
員七人庫直八名書字的七名牌頭十五名

訓練都監

本朝宣祖二十七年初置訓練都監有都提調大將

有司堂上郎廳後定都提調一員議政兼提調五員
其二戶兵判例兼大將一員中軍一員別將二員千
總二員局別將三員把總六員郎廳六員一文三蔭
二兵曹武備郎本局把總例兼哨官三十四員兵考作三
員十三仁祖十五年減提調一員二十六年減提調一
員孝宗三年減提調一員顯宗十三年郎廳一員戶
曹別營郎例兼英宗三十一年改郎廳為從事官
吏屬書吏 二十二八書寫一人書員一人庫直九
名大廳直一名使令十一名文書直十名軍士八名
宣祖二十六年學習浙兵技藝於天將賂尚志命

別設都監訓練鍊

詳見
兵考

補仁祖十四年申景禎十五年具宏二十二年具
仁瑩並以訓練鍊大將兼兵曹判書

補孝宗庚寅李時白以訓練鍊大將拜兵曹判書上
疏曰豈可以大司馬兼大將軍乎屢辭終不許

補五年以李浣爲訓練鍊大將初上密問領議政鄭
太和曰訓練鍊具仁瑩老不堪任誰可代者太和以
浣對上卽拜浣爲訓練鍊大將居無何軍卒多怨謫讎朋
興上復問於太和太和對曰仁瑩年老柔善兵不
畏將久矣遽見浣紀律嚴明自懷疑恟而如此若

過五六月軍中必恨其來之晚也上額之後果如
太和言

補顯宗七年訓鍊大將李浣除拜兵曹判書以本
兵訓局兼帶爲難屢疏不出備局啓遞本兵

補肅宗八年金錫胄二十年徐文重二十二年申
汝哲以訓將兼兵判

補丙子備局啓曰在前兵曹判書或兼訓鍊大
將而今則禁衛大將爲兵判之例兼則兩大將
有難并兼訓鍊大將事當改遞從之

補英宗五年李森以訓將拜兵判遞訓將

補政院啓曰取考前例乙亥年故相臣徐文重以訓鍊大將移拜兵曹判書時因其辭疏備局回啓許遹丙子年故判書申汝哲以訓鍊大將移拜兵曹判書時當習陣日次訓局不得循例頃稟故自備局不待其辭疏以訓鍊大將改差事草記矣前例如此而訓將未許遹之前命召不可循例捧入何以爲之敢稟傳曰前例如此訓將令姑許遹出代間姑令仍察可也

補十三年金聖應以訓將拜兵判遹訓將

補肅宗二十一年申汝哲以訓將兼判尹左相柳

尚運以軍門詞訟俱是劇務不可兼察啓適判尹

禁衛營

本朝仁祖朝命兵曹判書李時白選騎兵精壯者設
精抄廳顯宗九年置都提調一員仍命兵判金佐明
勾管肅宗八年改置禁衛營以訓局中部別隊與精
抄軍合而屬之命兼兵曹判書金錫胄主其事定都
提調一員議政兼提調一員以他官兼大將一員兵
判例兼中軍一員禁軍別將例兼別驍衛別將一員
千總四員兵考作五員把總五員郎廳二員一文臣兼哨
官四十一員十二年減提調別置中軍罷例兼二十

九年上曰李濡言命革罷李寅燁請勿罷上從之復置提調尋又減英宗二十二年改別驍衛別將爲騎士別將三十年以兵判數適戎務漸踈耗費多端特命大將不以兵判例兼別爲差出如訓御兩營之制復置提調以兵判例兼三十一一年改郎廳爲從事官吏屬書吏十一人庫直四名使令八名文書直五名

御營廳

本朝仁祖二年初置御營使召募勇健教以火炮命李貴主其事逮于扈駕公山仍募近邑之業炮者還

都後屬之摠戎使革御營使尋復置六年李曙為提

調具仁屋為大將

具仁屋丁丑始拜大將年條恐誤

設為一局專管

教訓二十一年增置都提調一員議政兼提調兵判

例兼孝宗三年李浣為大將始置軍營肅宗三十二

年改為一營五部之制中軍一員別將二員千總五

員把總五員郎廳二員一文臣兼哨官四十一員

原本

作四十五員令釐改

英宗二十二年減別將一員三十年改郎

廳為從事官 吏屬書吏十一人書員十一人庫直

四名使令九名文書直四名

補備局謄錄御營大將自設立初兵曹以單望擬

差啓下至壬午

仁祖朝

始自備局三望受點

補顯宗十年李汝發拜訓將未出仕卽命與御將柳赫然相搜赫然爲訓將汝發爲御將

補肅宗九年大司諫尹趾完拜御營大將備局以介冑之任不可仍帶言識之職啓遶諫長

補十二年徐文重又以大司諫拜御將左相南九萬奏遶諫職仍爲後例

守禦廳

本朝仁祖二年命李曙始等南漢溫祚城四年初置守禦廳節制廣州等鎮軍務有上使一員副使一員

廣州留守例兼中軍一員守城將一員廣州府尹例

兼

補廣州或陞為留守或降為府尹而未嘗有同時并設留守府尹之事而此云留守例兼副使府尹

例兼守城將有若同時并設者恐誤別將二員千總一員原本作二員今釐改留

營別將城機別將各一員把總三員從事官一員哨

官十二員

原本作十六員兵考作八員今釐改南漢哨官五員肅宗九

年因大臣金壽恒建白移鎮南漢革副使十六年復

舊制英宗二十六年又移鎮南漢三十五年還復舊

制唯從事官仍革吏屬書吏二人書員一人庫直

二名使令六名

補季宗庚寅領議政李敬輿遼奏守禦使無可合

之人李時昉曾經此任似當允合而兄弟掌兵甚
爲未安衆議或以爲元斗杓可合而小臣在法應
避不敢可否且或以太剛爲短矣上曰苟其才也
則兄弟掌兵有何可避先朝委任意非偶然且詳
知首末李時昉還差可也

補肅宗甲寅金錫胄以通政薦拜守禦使備局以
守禦使卽權設之職品職雖不載於法典自設置
以來皆以嘉善以上兼帶未有通政兼帶者草記
以稟特命加資

補四年閔熙以守禦使拜右議政上䟽辭將任領

議政許積啓右議政閔熙以守禦使辭免事陳劄
下備局矣以守禦使入閣則前例或適或不適而
在先朝時故右議政李浣亦以守禦使拜相屢辭
不許今此右議政閔熙守禦使似不必許適矣上
曰相臣兼帶既有前例右議政守禦使仍爲兼帶
可也

補九年領府事宋時烈遙白守禦使及府尹各管
軍兵財賦互相侵刻民不堪苦請罷守禦使諸大
臣之議皆以爲當罷兵判南九萬以爲必以地望
當爲守禦使者爲留守則事權歸一矣於是遂罷

守禦使置廣州留守及經歷一依江都例仍以守
禦使呂聖齊爲留守

補二十三年兵曹判書李世華兼帶守禦使疏辭
備局回啓曾前本兵之長不無仍帶守禦使之例
而今則既有例兼將任之事兩軍門勢難兼察守
禦使請改差從之

補景宗二年李光佐以守禦使拜兵曹判書備局
啓以既兼禁衛大將則守禦使不可仍帶改差

摠戎廳

本朝仁祖二年初置摠戎廳節制水原等軍務有使

一員中軍一員千總二員把總四員哨官十員原本作二

十員今釐改○兵考作二十六員英宗二十三年增置從事官一員

二十六年命兼京畿兵馬節度使出鎮北漢三十六

年還復舊制罷兼兵馬節度使惟從事官仍革四十年

以壯漢管城將一員兼千總吏屬書負七人書負

六人庫直四名大廳直一名使令十名軍士三名壯

漢書員二人庫直三名軍士三名行營在鍊庫直一

名大廳直二名使令二名軍士一名

補仁祖二十七年總戎使金應海以司僕寺公事

降資折衝來納密符政院以無違代定奪之事難

於捧入密符啓辭稟旨則令備局定奪備局啓以
將任極重不可輕遞金應海令雖降資猶是堂上
官通政之爲巡察亦有規例請姑令仍察從之

續今上五年傳曰續典以後守摠使除非特教不
得入直闕內且有故御將前例行左承旨李桂國
兼帶摠戎使令姑許遞

續七年備局啓辭曾經摠戎使啓下都監中軍雖
有古例而至於都監中軍之兼帶摠戎使元無是
例摠戎使徐有大旣差都監中軍則軍門兩任不
可兼帶摠戎使之任改差何如荅曰曾經摠帥移

拜都監中軍而時搃帥無是例此無他其時則中軍單望啓下故耳搃帥雖不若兩局優一將任體貌不輕無啓請則不得直差而然今番大異於是前例有無非可論似當直出遷轉之代矣

扈衛廳

本朝仁祖元年以宿衛單弱命抄中外出身各軍門武士亦令咸鏡道抄上其尤者病置扈衛四廳掌扈衛有大將各一員以議政及國舅兼別將各一員後爲三廳肅宗十年因清城府院君金錫胄陳白復四廳後又爲三廳續今上元年合爲一廳 吏屬書吏

三人書員一人使令六名房直一名軍士九名

補肅宗二十九年扈衛大將李熙命遙啓仁祖反正後危疑之時闕內無宿衛特設四大將募得京中武士稱以軍官其後或置三廳或置四廳分合無常近日則置三廳數十人八直闕中未可以大得力而不無弊端外方開良則爲避軍役京中則爲免防役投屬漸廣宜有酌定其數故故相臣徐文重陳達三廳各以二百人定式而其後又不無加數者近日備局良役查正啓下節目申請依定式各置二百京軍官其餘盡罷矣通三廳合爲六

百每十人置一領將則每領爲九人領將不可不別設凡於舉動時闕外結陣時二百人中疾病事故亦多不得充數亦不可無餘軍每廳二百人外加置五十人以爲領將餘軍之用粗可成樣原任大臣及府院君亦兼帶此任其意俱欲如是變通臣意亦同自今三廳各以二百五十人定額切勿加數未知何如上曰三廳各以二百五十人定額可也

續今上二年傳曰扈衛大將非勲非戚不可爲也近無勲臣一廳國舅領之二廳大臣兼焉今既合

一名使令六名房直一名軍士七名鐘閣直一名打鐘軍三名

糧餉廳

本朝宣祖二十六年設訓練都監時又置糧餉廳以掌軍需策應之事戶曹判書爲提調訓練都監提調及大將亦兼管卽廳一員以蔭官差顯宗十三年以戶曹別營卽兼差英宗三十一年改稱從事官吏屬書吏四人庫直二名使令六名軍士二名

經理廳

本朝肅宗三十七年等北漢山城三十八年初置經

理廳句管山城事務有都提調一員領議政例兼提調一員卽廳一員以備邊司堂上卽廳兼差壯漢管城將一員把總一員哨官五員英宗二十三年革罷併於總戎廳

內司僕寺

本朝國初置內司僕寺掌內厰御乘有內乘三員其一外寺正兼燕山增置七員中宗卽位初還減慶熙宮移御時增置一員 吏屬書吏五人

自外寺移差

李淑域內乘題名記曰國制掌輿馬厰牧者曰司僕寺有祿官其在禁中掌路馬輦轂者曰內乘例

帶以他官謹按周書穆王命伯冏爲太僕正之辭
曰慎簡乃僚無以巧言令色偏僻側媚其惟吉士
又曰僕臣正厥后克正僕臣諛厥后自聖后德惟
臣不德惟臣先儒論之曰人主朝夕與居移養氣
體以令致之內乘即其所謂僕臣也

肅宗十年金壽恒奏曰內乘所騎乃是御乘故故
事內乘下馬則雖宰相亦爲下馬蓋出於戎路馬
之義也近聞堂下臺諫以內乘之不爲隱避至於
因禁御乘牽夫事體未安今後則內乘雖見堂下
臺諫請依例勿避上從之

軍器寺

高麗穆宗置軍器監掌營造兵器有監少監丞注簿
文宗定判事監一人少監一人丞二人注簿四人忠
烈王革判事省注簿二人忠宣王併於民部恭愍王
復置軍器監定判事監少監丞注簿直長又加置錄
事後改軍器寺恭讓王時趙浚建議軍器寺務劇員
少以重房上大將軍卽別將兼判官以下官吏屬
監史八人記官四人筭士二人

高宗置戎器都監忠烈王又置軍器造成都監

本朝太祖元年置軍器監掌造兵器旂幟戎仗什物

有判事二員監二員少監二員丞一員兼丞一員注簿三員兼注簿一員直長二員錄事二員太宗十四年改監爲正少監爲副正丞爲判官後改爲軍器寺定都提調一員議政兼提調二員一兵曹判書或叅判例兼一武臣正一員副正一員僉正二員別坐二員判官二員別提二員注簿二員直長一員奉事一員副奉事一員叅奉一員後革別坐別提肅宗四年五年革正副正吏屬書員十八庫直五名大廳直一名使令七名

⑨補鄭以吾大藥庫記曰崔茂宣患倭寇之陸梁難

制思水戰火攻之策求焰炳煎用之術唐人李元
焰炳匠也公遇之甚厚問其述使家僮數人私習
試其效然後建白于朝丁巳始設火炳都監煎取
焰炳且募唐人之來寓而打造戰艦倭寇大至備
火炳火炮逆擊於鎮浦燒其船殺其魁賞其勲拜
重大匡永城君本朝其子海山爲軍器副正太宗
己丑復于兼判事沔城君韓珪轉聞于上首建武
庫於紫門內各道所獻戎器隨獻隨藏次及本監
營繕至丁酉歲火藥監造廳事始克成焉

補孝廟壬辰武庫提調例爲大司馬兼管兵曹叅

判李浣特除軍器提調浣以非古例固辭不許

太清觀

高麗忠宣王置太清觀判官主歲蠶凡出征必禡于
本觀恭愍王將討紅賊制大蠶設官爲蠶赤辛禡汰
之

本朝太祖元年曰麗制置太清觀有判官二員後革
罷年代未攷

備戎司

本朝燕山時創置備戎司掌造鐵甲有都提調一員
議政兼都提調一員兵曹判書兼別坐四員後革罷

年代未攷

洪貴達記曰議政府啓曰我國三面受敵其用武之地今見軍士率多紙皮爲甲是焉能衛身而禦敵乞別設一局做鐵甲和賣如瓦署歸厚署例下敎曰可於是設局顯名曰備戎司命領議政韓致亨兵曹判書李季全爲提調辟前銜朝官有幹局者四員爲別坐不多月而甲之成摠若干部將愈久愈多人人得以收買而行陣間無不敝堅之兵矣噫廟筮之有裨於軍國如此豈不幸哉

宣傳官廳

高麗忠烈王宣旨謂之宣傳消息掌傳命

(補)忠烈王元年初作宣傳消息舊制凡命令徵求必下宣旨自即位以來宣旨頻煩州郡疲於迎命李汾城建白小事不足煩宣旨請令承宣奉王旨作書署名紙尾發下諸道按察守令謂之消息於是消息蜂午州郡苦之

本朝置宣傳官八員輪直禁內後設爲宣傳官廳定宣傳官七十六員一員堂上三員叅上十五員叅下二員蔭叅下五員文臣叅上兼三十八員武臣叅上兼十二員武臣叅下兼(續)今上初定行首一員堂上

三員叅上六員文臣兼減三員 吏屬書員一人軍士二名武兼廳書員二人房直一名守直二名

補世祖朝許琮以文武全才由藝文學士常兼宣傳官

補宣祖壬辰亂時駕至寧邊特除錦山守誠胤爲宣傳官又龜川副正晬薦拜宣傳官于行朝蓋宗斑所罕也

李植題名記曰宣傳本宿衛官也以其奉御標信符節傳諭王命故地望最高廳在掖門外政房之右如左右史差肩出八踊爲侍從恩禮特異成廟

至以遊戲之具錫之至今傳爲盛事舊制選新進武臣有才力習兵書者充之員額或減或增有實有兼不限品秩別置武堂上一員領之文官例以他職兼之先時其選極重員數亦少今稍增置

補顯宗十五年因兵曹啓辭備局啓曰曾在甲午年以連有別科宣傳官被薦者多而窠闕則少故武兼宣傳官中七員稱以叅下以宣傳官被薦者差除其所調用一如宣傳官之例矣辛亥年還爲減去此皆隨時變通之道也近緣科舉之稠疊宣傳官新舊被薦者既多則還復甲午之例似不可

已依兵曹啓辭施行何如從之

別軍職廳

本朝孝宗七年初置別軍職廳以潛邸時軍官陪往

瀋陽者八人

朴培元申晉翼吳季誠趙壤張愛聲金志雄朴起星張士敏

處焉其

後漸增無定額堂上以上加設僉知例付堂下加設

訓鍊主簿以上隨品例付叅外加設部將例付仕滿

陞六經閫任則減下本廳吏屬書員二人房直一

名使令一名軍士二名

守門將廳

本朝置守門將無定官以西班四品以上輪差守闕

門後別置守門將廳掌守直闕門守門將五員叅上
十八員叅下隨門數分直 吏屬書員二人房直一
名九門兒房直九名

捕盜廳

本朝初置左右捕盜廳掌緝捕盜賊奸細分夏夜巡
有大將各一員從事官各二員肅宗二十九年增置
兼從事官各一員以都總府訓練院官兼 校屬部
將各四人無料部將各二十六人原本作十六人今釐改 加設
部將各十二人原本作六人今釐改 吏屬書員各四人使令各
二名軍士各六十四名郊外都掌軍士三十七名

補柳馨遠曰詰奸匿本是刑曹職掌而既又令金吾衛爲定職衙門主巡警捕奸盜大興職官亦無所謂捕盜大將者必是近世添設也

補肅宗二年申汝哲以捕盜大將拜刑曹叅判以刑曹與捕將事體相妨之意辭職議大臣後命遞刑叅

巡廳

本朝初置左右巡廳掌夜巡有巡將以文官中樞府知事同知僉知差不足則以行職堂上官差後改以從二品至三品文武蔭抄啓無定額監軍以宣傳官

兵曹都掾府堂下官望差 吏屬管牌各十五人書
員各一人使令各二名軍士各十名

行在時則留都三大將各出軍士三十名送兵曹
兵曹分所差定又差巡將巡官

能麼兒廳

本朝仁祖朝曰兵曹判書李貴建請設能麼兒廳掌
諸將官兵曹考講勸課堂上三員其一訓練都正例
兼卽廳四員其二訓練習讀例兼其二蔭初仕英宗
四十一年增置堂上一員訓練都正例兼仍舊亦以
三軍門中軍例兼 吏屬書員一人庫直一名使令

一名軍士一名

孝宗六年設能麼兒廳選武臣二十餘人逐朔試陣法急者汰其職

補臣謹按仁祖朝既因李貴言設能麼兒廳則今此所設果是何廳歟或者當初只有名號而今始講定規例及職官用備官府體制歟

補肅宗三十一年兵曹判書俞得一啓曰能麼兒郎廳四員中武臣兼習讀二人從前差定今不可革罷請爲仍存矣無論官之大小得人爲善而庶

流通仕之階只有學官及庶郎數窠而已不必盡
數革罷依前仍存待其有闕以曉解兵家能文可
合人考講擇差爲宜以此分付何如

忠翊忠壯衛

本朝設置忠翊衛以功臣子孫屬焉忠壯衛以戰亡
人子孫屬焉分番八直有將各三員以閑散人輪差
英宗三十五年依禁軍將例擇差吏屬書員各一
人使令各一名房直各一名軍士各一名

空闕衛

本朝置空闕衛掌守直空闕景福宮昌德宮昌慶宮

移御慶熙宮時有昌德昌慶
宮衛將還御則有慶熙將
各有將三員 吏屬書

員各一人房直各一人

儀仗庫

本朝儀仗庫即麗制衛尉寺 兵曹乘輿司郎官為

長郎廳二員以部將兼之 吏屬書員一人扈輦隊

被紅衣着紫巾三角
懸毬擔輦捧儀仗者

四山

本朝置四山監役官四員分掌都城標內東西南北
道蔭官初仕創始年代未攷英宗三十年改為四山
叅軍以武臣為之今屬於訓鍊都監禁衛營御營廳

總戎廳

鷹坊

高麗忠烈王置鷹坊都監忠宣王定使二人副使二人判官二人錄事二人尋罷恭愍王復設其養飼者名曰時沒赤

①補忠烈王元年始置鷹坊以羅州長興府管內諸島及洪州曲陽府民力悉屬鷹坊其善捕鷹者所在皆免徭役承宣崔文本言鷹坊所至虐民逞欲請勿遣不從

①補王欲罷鷹坊印侯以爲請於帝而置之未可遽

罷未果罷

○補忠惠王時鷹坊使以鷄啗鷹一翅且盡垂死納于橐中鷄至朝乃鳴事聞王惻然議罷鷹坊

本朝置鷹坊有鷹師牌頭二員肅宗四十一年章

○補世祖十二年罷左右鷹坊上謂宗宰曰予於酒荒色荒本無有也但於禽獸則不能無玩好之心無益也即罷鷹坊

成宗四年罷左右鷹坊

○補柳馨遠曰今名鷹軍散在各道爲鷹師所掌吏輩徵納布疋雜物者八千餘人云宜悉罷屬

正軍

補

臣

謹按世祖朝既罷鷹坊而成宗又命罷之至於肅宗朝尚有鷹師牌頭之名始乃并與其名而永爲革祛之我列聖即鹿之戎可以匹美虞夏而深仁厚澤可令人沒世而難諼也

內侍

內侍府

高麗恭愍王設宦官職內詹事內掌侍內侍監內承直內給事官闡承奚官令後置內侍府判事一人正

二品檢校三人同判事一人從二品檢校三十二人
知事一人正三品檢校三十八人僉事一人從三品
檢校二十八人同知事二人正四品同僉事二人從
四品左承直二人正五品右承直二人從五品左副
承直一人正六品右副承直一人從六品司謁一人
正七品謁者一人從七品宮闈承一人正八品奚官
令一人從八品給事一人正九品通事一人從九品

補仁宗初年宮中宦侍內僚甚多王不喜遊宴每
黜以微罪不復補至末年不過數人

補林完上仁宗書曰文宗之時宦官給事擇其謹

慎者不過數十輩以備灑掃

補毅宗以宦官鄭誠權知閣門祇候

詳見選舉考

補麗制內僚微賤者職限南班七品謂之常式七品如有大功異能則只加賞賜而已至元宗始通其路若即將散員不可勝數

補十七年左正言文克謙疏論宦侍濁亂之弊曰凡兩界兵馬五道按察使承辭之日必於兩官置酒慰餞使各獻方物隨其貢捧多少以爲殿最云王大怒貶克謙

補使臣徐居正曰高麗氏不許宦侍參職不干

預外政內治之嚴遠邁於漢唐雖以毅宗之狂
恃高宗之昏庸其待宦侍猶能謹守家法不敢
撓改豈不為褻世之美事乎元宗以後始褻古制
任用失宜至以宦者十五人同日封君祖宗家
法掃地盡矣昔漢桓帝同日拜五侯猶不免後
世之譏況一日而封十五君者乎

補史臣崔溥曰高麗氏五百年間政治規模可
稱者少而唯不許宦官叅職一事遠過前代盖
自祖宗家法如是故雖以高宗之昏庸權奸之
費請而終不許豈不為可稱者乎

補明宗十六年重房武臣請兼屬內侍都房以其
選猶榮矣

補高宗朝宦者金仁宣誅崔瑱位極南班

補麗史本國不用腐刑無閹人安樂公主獻數人
于元帝日見親寵自是殘忍僥倖之徒轉相效慕
父宮其子宮其笄又強暴者小有憤怒輒自割勢
故不數十年刀鉅之輩甚多重腐未燥者率皆輕
視本國

補恭愍王十一年監察大夫金續命等上書曰刑
餘陰類殿下日與狎昵樂聞鄙俚無稽之言踈遠

大臣嘉謨讜議無自而八自今三殿宦者各留十餘人餘悉汰去

補辛禍元年諫官柳玗安宗源上書都堂言宦官之害請擇忠謹者十餘人備掃除之役餘悉罷遣

補六年諫官李崇仁言設官分職各有攸當故先王置內侍府以待中官是爲令典不可改也乞復置此官將中官之小心謹慎者隨品轉用無與朝官不從

補十年以宦者金寶爲贊成事商議坐都堂署事宦者拜相前此未有也

補恭讓王元年臺諫請依舊制宦者不許拜六品
在偽朝已拜叅官者追奪告身放還田里趙浚上
言宦者自國初至慶陵朝不得叅官近來以宮中
傳命之任得輿論道經邦之列非所以尊朝廷願
遵慶陵之制不許拜朝官

補四年右常侍金自粹等上疏曰年前朝廷所遣
宦官或依娼妓或縣親戚邀請官爵殿下一皆曲
從真差添設動以百數名咒之濫廉恥之喪一至
於此乞付攸司盡奪其職

本朝太祖元年置內侍府宦侍之府掌大內監膳傳

命守門掃除之任尚膳二員從二品尚醞一員正三品尚茶一員堂下正三品尚藥二員從三品尚傳二員正四品尚冊三員從四品尚弼四員正五品尚帑四員從五品尚洗四員正六品尚燭四員從六品尚烜四員正七品尚設六員從七品尚除六員正八品尚門五員從八品尚夏六員正九品尚苑五員從九品吏屬書員二員使令一名

補金宗直內班院記曰宮臣之有局其來尚矣宮正宮伯始於周黃門常侍昉於漢內侍給事見於唐內班殿頭稱於宋雖官號之曰華不一然其居

之密而職之專則歷代皆同自昔忠謹自持者未
嘗不獲福驕傲怙寵者未嘗不罹禍國亦隨之以
隆替焉深可畏也本朝自建都以來置內侍府于
迎秋門外又於掖庭永巷之側闢內少房爲承侍
事者夙夜趨蹌之所逮我聖上肇錫名以內班院
所以復宋氏之舊也所以別外庭之班也夫以側
微之資處深嚴之地其秉心持身宜何如也

按此
記乃

規戒閣寺之辭燕山時撤去之
中廟反政後政院啓辭復揭

補太祖元年大司憲南在上疏曰臣聞中官閹豎
守門灑掃乃其職也秦漢以來宦官之患在載典

籍昭然可見或便佞以惑主蒙蔽以誤國禍亂之作誠不可殫記殿下博觀經史其制御閹豎必知其道然不立法於始後日之弊不期而生矣願擇其勤謹幼弱者分爲二番每一番各十五人定其額數授之以守門掃除之役其餘老奸者一并放之毋使近侍

補太宗十七年教曰經史宦官雖有忠於君者而其佞君亡國者率多然宮闈之間不可無此輩也今宦者每以小事欺予予非不知置之於法但無知小豎不可事事譴責也昨夜因有微恙間掌膳

者不在乃知宦官擅自出遣不可容貸自今丞政院每夜點檢八直宦官及掌膳者

(補)世宗五年傳于政院曰宦官之職惟在燈燭掃除不宜授以出納之任予逐日視事俾無留滯然近者金壽尚於除職間夤緣詐傳漸不可長已令治罪今後事無大少代言皆親啓

(補)十年教達臣曰古之帝王非不知宦官用事之害何深信不悟也豈以其無後嗣無遠計歟僕循曰漢唐之際宦官至有廢置人主者豈不遠計乎積陰陽之惡氣內外不中不可與議國家之事上

曰宦官但可任給事耳

補文宗即位初司憲府上疏曰竊觀司馬光之言曰宦官爲國家患其來已久矣出入宮中人主有幼及長與之親狎非與三公六卿進見有時可嚴憚也間有性識僂利言語辨給善伺候顏色迎合旨趣受命則無違忤之患使令則有稱愜之效甘言卑辭之請有時而聽如飲醇酒嗜其味而忘其醉也此誠古今之至論也故我世宗嘗敎事之大小代言皆親啓其所以燭知物情慮患深遠可謂至矣殿下新臨臣庶而大小出納委之宦官以門

戶之役爲喉舌任其勢漸長頌與任事然凡欲進
言者莫不由彼而達誰肯直言不諱媒怒於人主
之左右武夫宦侍常在近侍苟有所惡者浮辭遊
說諷之使達似若出於無心以陰中之人主亦安
能必其外人之不如是而不信哉且論是非之分
辨得失之機多在於言辭之表令臺諫進言於承
旨乃使宦官轉聞言至三轉豈能盡達其微意乎
伏望一遵世宗故事凡臺省及大小臣僚進言者
或賜見或令承旨親啓以廣耳目以正新政上嘉
納之

補世祖九年奪承傳宦官李得守告身充定造紙
所搗砧軍得守爲人巧黠以逢滯俗事抵罪上謂
遂臣曰世宗朝承傳宦官崔濕田昀爲上金忠次
之令得守慧黠過於此數輩非至明無以辨奸吾
豈墜於術中匪教匪晦時惟婦寺自古誤人家國
者未必非此輩也

補睿宗戊子教都承旨權珉曰凡人近之則雖踈
必親之遠之則雖親必踈予於宦官以其親近任使
之故雖有小過或容而不治或治而赦之卿宜糾
察宦官如有凌轢朝臣肆行不法者具罪以啓

補許筠曰我國八朝宦者乞於帝前而奉朝東來
曰爲定規八朝者代各有之至弘治中勿令選送
又曰金英者安東人八朝爲司禮監太監有寵於
憲宗不肯奉使本國曰吾安聽抗禮於吾國王乎
補成宗己丑命內侍除職毋過四品

補車天輅曰成廟一日與幸宦五夫人語民間事
仍命肉諸侍者一宦豎辭不食曰今日國忌不啗
肉上曰予以先祖世遠耳汝何乃不情叱退之左
右曰此乃咸兵隸人也少時樵于山見內官之奉
命而過去乘駟衣緋駟從甚盛即歸家手刃自宮

因以托籍內班即命刊去宦籍

補燕山狂悖淫虐威刑御下殺戮無辜內豎金子
猿專掌機密慝忠爲惡廢主之無道大抵子猿導
之也時宦官金處善滂泣力諫曰殿下如此則必
亡國廢主不勝憤怒手自寸斬仍命疏章犯處字
善字則抵罪科試用之則拔去

補中宗三年臺諫上疏曰我國家自祖宗來宦寺
只給事內庭故厯百餘年無怙寵弄權之患逮至
廢朝以獻技巧導陰邪爲保軀安身之計反正之
後尚仍舊規驕肆之習成而預政之端見矣成宗

嘗曰宦者狎之則必至於無禮若有所犯當據法抵罪無少貸也願殿下鑑漢唐之失法成宗之訓常加裁抑勿施隆品議政論人之際不使得預焉

(補)二十七年宦官李承豪有罪下獄敎曰內官不過出納命令而已今以滯訟將下敎承傳色李承豪乃敢阻撻此宦官與政之漸其令訊之明日侍講官宋璘壽言處分嚴正中外咸服昔成宗嘗曰宦寺狎之則無禮若有所犯不可少貸今日之計深得防微杜漸之道也

(補)鄭載崙曰宣廟朝一近侍中官受賕歸鄉列

邑多款待禮山倅獨能以法自持定式外無
絲毫所加中官銜之還白于上曰列邑侍臣
皆如定式而獨禮山倅以臣昵侍至尊遇之
特厚迎候境上親執鄙事光生閭里秋毫皆
上恩也上以某某倅爲能守法而嘉之禮山
倅爲媚附中人而鄙之顯加陞斥後有違臣
以此陳啓者上始覺其誣罔悉以中官之褒
亂黑白狀諭之

補閔仁伯曰李鳳禎宣廟朝信任內臣也光海
壬子有遷都交河之議主問鳳禎曰予欲遷都

廷議不欲其可爲乎對曰人主欲爲則何事不可爲只恐成都而不及遷耳主曰何也對曰拂民情而能成事者未之見也又一日主問大內常苦烟氣先朝亦然乎對曰先朝則正殿外皆鋪抹樓烟何以多主又曰大內甚喧擾先朝亦然乎對曰先朝尚宮以下皆以布襪行殿陛不敢着鞋今則着靴靴底加釘曳聲橐橐安得不喧主又問汝先朝甚瘠今何肥健乎對曰此乃聖恩也先王勤於爲政夜深就寢鷄鳴又起聽政老奴輩和衣假寐鈴動即起安得不瘠今則

晝而時食夜而安眠安得不肥凡此皆諷諫其亦呂彊之類歟

補仁祖九年副學李敏興劄曰掖庭官及下人勿令出使外方且飭吏曹凡內需司關由文移必察其可否而取舍勿爲苟循以復祖宗之舊

補十二年又劄曰宋孝宗之淵賢覲等用事於中唐憲宗之英武白志貞之徒作繫於內我宣祖大王嚴明御下其於此輩不少假借而故儒臣辛應時八侍榻前啓請內官冠服一依中朝因此見嫉敢以白岳取石之說乘時暗中今日史官之事亦

是近來之所無史官雖有所失自有糾正之地非
宦者所敢私自赴訴也政院不以爲異聖明不以
爲罪持衡之勢一輕一重臣等前日之憂正以此
也

○補孝宗四年又上劄曰今日宦人之類盛識者皆
以爲憂陽德方亨役何能爲但如摘奸之操縱進
供之阻撓勢同城社陰幽成窟堅冰之計實切他
日之憂臣愚以爲嚴飭中臣教以忠謹待之不惡
勿任以事也

○補顯宗朝玉堂李敏迪劄曰三代以上未聞宦侍

知名者僕隸掃除之徒初豈有可聞之名耶至豎
刁聞於齊而齊亂恭顯聞於漢而漢亂士良聞於
唐而唐亂童貫聞於宋而宋亂自古論內臣必以
忠謹爲訓勉而才辯爲可畏者此也人君亦以奴
僕熏腐之餘彼何能爲不復隄防而豈知憑依城
社動藉王命馴致於難制之境而不自覺也近日
宦侍幹任漸重名號漸隆至有分付百司不經政
院者威行省內亦非一日矣况凌轢宰臣詬辱朝
士壯寺南牙之分未必不自此始也尚膳之職雖
曰二品衙門而列書於雜職之首祖宗微意亦自

可見況前鑑不遠在於中朝寧可不知戒哉

補又上玉堂故事曰宦官之娶妻畜妾誠是事理

之所不當然而其來蓋久視以爲常恬不知恠實
非治世之事也蓋刑人之出八於閨闈以絕其男
女之欲無子孫之累故也彼苟有一分人道而男
女之欲未盡斷絕於其心則決不可使之混跡於
永巷之間矣近日劉起漢之事極可寒心聖上不
加驚動視以爲薄物細故必欲違有司之議而置
之於輕典大非嚴內治一官府之意也渠既以宦
爲名而出八於穆清之地而肆然近女色於公廨

已無所忌憚矣且聞內侍中如起漢者亦非一二閭巷之間傳說籍籍信斯言也亦宜一切澄汰以肅清宮禁也

補執義權格疏曰中官之設只備灑掃傳命而已今茲寢廟之役既委大臣而又使中官檢察是不信宰相而信僕隸也尊賢而不能用惡奸而不能去便舍沙射影之徒敢進嫁禍之言聖人聖謨之道恐不如是

補柳馨遠曰國典內侍府亦列於職官之末而爲從二品司宦寺元數二百四十人而有官者

五十九人史云東漢置中常侍四人小黄門十人近平以後宦官漸盛中常侍十人小黄門二十人此外又有無官而給事者遂啓宦侍之弊以此觀之則宦者五十九人固已多矣

補鄭載崙曰顯廟在春官有內侍造進捕禽獸
咒械顯廟極愛之他宦莫敢望焉及即祚人皆
謂其宦必專內事乃以巧佞被斥終不復近焉
補顯宗四年大司憲金壽恒啓曰內侍府之稱爲
二品衙門非法典所載通關六曹興監司明是謬
例不可不釐正大典若定爲二品衙門則何獨不

列於各司而序在雜職之首

補肅宗元年南九萬疏曰朝晝晨夕之間殿下之所與之處者可知也萬機酬酢之頃嬰於前則顧問使令之事不得不時及於左右稔熟之人殿下雖嚴加約束不少假借且於政令之間獨運神斷使不敢有一毫之叅錯而俯仰惟諾之間已足以移殿下之意旨臣歷觀前代人主初則以爲狎習而易制也中則以爲親近而可信終則至於禍成而不可悔無不害于身凶于國千古滔滔若出一轍

補正言姜碩賓啓宦侍赴舉千古所無而肆然啓稟其習不可長請拿鞠定罪傳曰內官陸後立不念報效國恩欺瞞君父成臠移之事予已詳知定配

補十二年執義徐宗泰請治黃昌副尉家護喪中使書啓之罪

詳見刑考

補十九年命內官崔尚仰邊遠定配

詳見刑考

補英宗六年逆官崔必確亡命未捕亡何潛八關中竊弓房火藥爲守直宦官所捕納正法逆臣爲言當施賞教曰宦寺之類若開此路則後世必有

策勲之弊漸不可長不許

補十二年大臣筵奏以戶判務節約經用內官有
嫚語者教曰我朝家法自別且予以傍支八承有
異於生長其手故未嘗昵比此輩決不至啓寵納
侮使此輩橫恣漢唐中主之所不爲予其爲之仍
命查治內官罷其職

補御製皇朝立鐵牌以嚴隄防而中葉以後太監
爲監軍爲使价終致忠賢之亂我國家法甚嚴辛
丑以前無閹寺之用事而猶懲漢唐罷內需之因
圖除禁祿之叅謁椅歟盛哉以此隄防其後猶有

儉貞之事豈不懼哉噫頃者張前因供誦諭于爾
爾尚記有否逆志之意何爲若此志即逆尚之子
也交結閹寺即商之斷案以商之子其欲掇拾豈
異也哉而鏡等七逆之釀成戊申之亂者即交結
婦寺也道隆道昌之陰慘設計亦交結婦寺也大
則交結不軌小則交結戕殺而及其逆則一也噫
其鑑若此而若不嚴隄防乎此逆志雖伏法又豈
無逆志雖治其逆亦豈無逆其供辭中一轉語靜
以思之又思于往日不覺寒心而骨冷何以寒心
即爲邦國也何以骨冷亦爲邦國也噫雖如此也

權綱若不在上太阿或倒下則唐宣唐昭其將不
遠可不懍然可不懍然吁嗟後之嗣王以此鑑戒
明以臨下威以制下深體政訓中嚴近習一句語
不使姦究不逞之徒伺釁於暗地則寔是邦國之
幸寔是邦國之幸鞠事即了此心烓烓夕飯之時
已過便殿之內已曛而不顧其饑明燭呼寫須臾
予眷眷之意勿負予諄諄之教噫其浸漬者莫甚
於婦寺其昏墜者莫甚於近習若不大猛省而下
工何以得力其宜勗哉其宜勉旃

三十一年徵志
討逆後下此教

補三十二年命去宮闈令佩玉上御中官甚嚴少

有犯輒不貸常謂違臣曰凡於父子兄弟交構讒
間者必宦寺輩予即祚三十年不爲讒言所動可
質言也昨見挾侍內官祭服佩玉此輩安敢與朝
臣等哉命去佩玉亦防微杜漸之意也

附
掖庭署

高麗國初置掖庭院成宗改掖庭局文宗定內謁者
監一人正六品內寺伯一人正七品內謁者從八品
監作一人書令史記官給事三人又南班之職本限
七品職事員凡三十六人內殿崇班四人正七品東
西頭供奉官各四人從七品左右侍禁各四人正八

品左右班殿直各四人從八品殿前承直八人正九品又有殿前副承旨尚乘內承旨副內承旨爲南班睿宗改殿前承旨爲三班奉職副承旨爲三班僭職尚乘內承旨爲三班差使副內承旨爲三班僭差忠列王改爲內謁司置伯令正副正僕謁者承直長各二人內殿崇班東頭供奉官西頭供奉官左侍禁右侍禁左班殿直右班殿直內班從事各四人忠宣王罷內謁司復爲掖庭改爲巷庭後復改掖庭置內謁者監正六品內侍伯正七品內謁者從八品又置內殿崇班從七品東頭供奉西頭供奉從七品左侍禁

右侍禁左班殿直右班殿直並從八品內班從事從九品

○補百官志成衆官曰內侍曰茶房曰司楯曰司衣曰司爨其號不一謀避軍役者爭相投屬其始置歲月不可考

○補恭讓王三年吏曹啓曰內侍茶房司楯司衣司爨等成衆阿幕備宿衛近侍之任不可不擇其始設也必考其世籍才藝容貌乃許入屬近來謀避軍役爭相投屬容有世籍不現形狀不完才藝不通者亦或混雜及其仕滿不論賢否但以都目而

授職故拜朝官者或不稱職除守令者亦或病民
其八屬者不可不慎簡焉願自今本曹必考戶籍
及初入仕朝謝觀其容顏仍試其藝其於書數射
御中通一藝者許令八屬雖舊屬者亦皆考覈且
內侍茶房其數已定司楯司衣司爨則尚無定額
八屬之徒無有紀極請刪定原數司楯四番各五
十人司衣四番各四十人司爨四番各三十人從
之

本朝太祖元年置掖庭署掌傳謁及供御筆硯闕門
鎖鑰禁庭鋪設之任有司謁司鑰各一員正六品副

司鑰一員從六品司案二員正七品副司案三員從七品司鋪二員正八品副司鋪三員從八品司掃六員正九品副司掃九員從九品

○補太祖元年大司憲南在上疏曰宮中執役之人古有定額前朝之末不限其數費廩太多弊尚未革願令殿內執役之人量宜定數外皆許歸農以省其費

○補宣祖二十五年倭亂去邠司鑰崔世俊陪從年老不能步上憐之特命載來及有渡遼之議伏地痛哭請以死從後以扈從功封鷄林君與司謁慶

宗智司鑰洪澤並錄勲籍

①補顯宗朝玉堂劄曰先王之制雖暫御之臣朝夕陪奉者莫不出入有時而今之宮禁私人朝夕八侍留連於省內相雜於宦寺或有無籍而入宿無時而侍中亂宮省之正法閑私昵之曲逞此等皆方拔鑽進托身宮禁於法不可於事未安李訓鄭注之事豈非古今至戒也

①補肅宗三年玉堂金在魯劄論掖隸狀訢親題之失荅曰直敕予用嘉納題下果覺其大段失着題旨割去承旨推考承傳色罷職狀頭別監科罪

補九年命罷掖庭下隸免身之規蓋差者餉先進
及納物仍成謬例兵判南九萬力進此獎仍請自
內及外一切罷之從之

東國文獻備考卷之二百二十五

校正

職官考 十四

權設職

諸使

高麗置行營兵馬使又置都巡問使元帥又置轉運使安撫使巡撫使存撫使又置監倉使勸農使按察使察訪使計點使指揮使都統使

文宗制曰舊制邊陲有處置則命兩府宰臣雖專軍事踰大番兵馬名義未稱改爲行營兵馬使○

國初有都巡問使元帥皆以京官口傳恭讓王改
巡問使爲都節制使元帥爲節制使國初有諸道
轉運使顯宗罷置安撫使尋罷睿宗又遣諸道安
撫使問民疾苦察守令殿最忠列王改安撫使爲
巡撫使忠肅王以存撫使亦爲巡撫使五道兩界
皆有勸農使明宗七道置按察使五道置監倉使
皆兼勸農使忠列王罷勸農使以按廩使兼其任
○察訪使仁宗罷明宗復之○忠列王置諸道計
點使指揮使○恭愍王置各道都總都統使鎮撫
○成宗十二年置諸道軍馬齊正使

補顯宗十九年置館驛使恭讓王元年改驛丞

補高宗時承宣趙伯珙爲襯衣使

補三年李溥爲西海道防護使崔愈恭爲春州道

防護使

補忠肅王五年春朴元桂爲江陵道存撫使秋將代還宰臣謂江陵人便於朴存撫遂馳一介仍齎請留之明年春又如之秋又如之至三年乃還

補廡問使

詳見御史

本朝置都體察使體察使都統使都處置使都摠使都節制使體覈使都元帥副元帥贊畫使都巡撫使

并有從事官

續大典云宰相以軍務奉命者隨品稱
號議政則都體察使一品以下則都巡

察使從二品則巡察
使三品則察理使

(補)

太祖朝金士衡鄭道傳

世宗朝柳迂顯黃喜

文宗朝皇甫仁

端宗朝鄭奉

世宗朝申叔

舟韓明澹具致寬

成宗朝尹子雲

燕山時盧

思慎

中宗朝柳順汀

宣祖朝柳成龍尹斗壽

俞泓鄭澈李元翼李恒福許頊

光海時李德馨

朴承宗

仁祖朝金湓李弘胄

肅宗朝許積或

蹄都宣問使或蹄都體察使或蹄大將軍而皆開

府檢戎

補太祖五年以相臣金士衡爲都統使叅贊南在
爲副征對馬島

補六年以奉化伯鄭道傳爲東北面都宣問使出

鎮壯方

世宗元年對馬島倭犯邊以長川君

原本作相臣今鑿改李

從茂爲都體察使以相臣柳廷顯爲都統使以崔

潤德爲都節制使討平之以成達生爲三道都處

置使以曹致爲黃海道體覈使察諸將緩師失機

補世祖六年以申叔舟爲二道都體察使兼巡問

使洪乞成爲副征野人

十二年吉州人李施愛叛以尹子雲爲咸吉道體察使以龜城君浚爲都摠使李克均爲都元帥討平之

○補成宗十年以相臣尹弼商爲都元帥金嶠爲副元帥征建州衛破之

二十二年野人寇咸鏡道以許琮爲都元帥李季全爲副元帥討破之

○補中宗五年三浦倭作亂以安潤德爲都體察使相臣柳順汀爲都元帥討平之

○補明宗十年倭寇全羅道以李浚慶爲都巡察使

討平之

補宣朝二十五年倭八寇以申砬爲都巡邊使禦之戰敗死之

以首相柳成龍爲都體察使領體府使又以金命元爲都元帥

補二十六年以權慄爲都元帥

補三十二年以韓浚諫爲都元帥國朝嘉善元帥一人而已

補三十三年以相臣李恒福爲都元帥

仁祖元年以張晚爲八道都元帥上親行推轂禮

于西郊手寶劔下榻授之大資將士以遣之

肅宗二年設體府於京中相臣以爲不宜無事而設門軍啓罷之四年復設六年復罷

補英宗四年湖嶺逆孽舉兵叛以兵曹判書吳命恒爲都巡撫使討平之

臣謹按右皆隨時權設之職而又有都巡邊使巡邊使都檢察使檢察使招討使招諭使歸召使召募使巡警使倡義使察理使審理使之類而只撮其事蹟最著者而錄之

補成宗朝李克均爲警邊使宣祖壬辰李鎰爲巡

遣使李廷諤爲招討使閔仁伯爲巡檢使黃廷或
爲召募使金千鎰爲倡義使禹性傳爲秋義使丁
酉朴晉爲督捕使己亥郭再祐爲察理使光海時
有調度使仁祖甲子申翊聖爲護駕使金長生爲
蹄召使李時發爲贊畫使英宗戊申尹淳爲監護
使是特最著者此外隨時立蹄者不可殫記

補諸出疆使

補諸僉使

御史

補新羅婆娑王十一年分遣使者十人廉察州郡

主不勤職事田野多荒者黜之

補味鄒王七年遣使五人問百姓疾苦

補高麗靖宗二年遣審察使察請道外官使民不時有妨農事者黜陟之

補文宗十年制曰近來紀綱弛紊且無懲革里巷多囊橐之收田原罕桑麻之勸民安得聊生

兼御史刑部員外郎李攸績爲山東南忠慶尚州三道按問使兼御史雜端兵部郎中金若珎禮部郎中崔尚並爲山南等七道按問使兼監察御史試殿中內給事安民甫爲關西壯閑內三道按問

使監察御史閔昌壽爲關內東道按問使分道發遣按驗諸州牧刺史通判縣令尉及長吏政績勤慢清濁百姓貪富苦樂

補仁宗五年遣使郡國兼察刺史縣令賢不肖褒貶之

補忠肅王五年遣執義金千鎰于慶尚全羅忠清道持平張元組于西北面問民疾苦嚴行黜陟千鎰懷私誣罔無所糾舉王杖于內庭而罷其職元組舉金廷美橫斂廷美時扈從上王聞之流元組恭讓王初置廉問使副使

舊制京畿置廩問使畿縣皆直隸恭讓王置左右
廩問使兩府謂之都廩問使奉翊通憲謂之廩問
使四品以上謂之廩問副使其刑名錢穀軍情事
務以至官吏殿最民間詞訟無不糾理

本朝御史以堂下侍從臣特命遣之弭暗行御史廩
察官吏得失生民疾苦凡黜陟糾理無不總管有事
則或別遣巡撫安集均田試才監賑按覈監市督運
等御史若命送堂上官則稱使

補定宗元年七月分遣行臺監察於各道廩察民
間利害守令得失與豪右之病民者

補世宗五年敎曰今欲倣古時命朝官按行州郡
出八閭里守令貪汚酷刑事悉令發擿一切民間
飢寒困苦與夫含冤負屈者許以自陳仍俾風聞
啓達予將詳加究問如得其實痛懲以法終身不
叙庶幾吏有警省之心而不至於敗官民無告訐
之風而亦免於冤抑使田里永絕愁歎之聲各遂
生生之樂

補世祖七年遣分臺于八路察監司守令非法

宣祖三年上欲遣御史問可者于大臣洪暹權轍

以無舊例不薦

後有御
史薦

李珣曰大臣秉句調元一國之事無不預知况薦人授職乃其責任乎三公坐食中書於國事不知得失於人才不辨賢否粹然承問乃以無前例爲辭惜哉

補十四年選臣金晬曰暗行御史無先文恐傷事體李珣曰御史若出先文則萬無能察不法之理須微行出入民間可也金宇顥曰古人亦有輕車屏徒從出入民間州郡常如使者壓境云何傷於事體乎

補仁祖十七年秋遣御史鄭致和等廉察諸道洪

茂績以蔭官預其選前所未有也

補顯宗已亥初大行大王遣暗行御史於諸道至是禮曹以國恤召還御史皆未竣事奔矢憲府啓言奉事而遭國恤者必待竣事後復命殯宮禮也令諸道暗行之臣棄先王之命於草莽甚不可也請禮曹堂上推考御史未還者使之竣事後復命從之

補肅宗七年暗行御史備局例授節目外加定條目○監司之律已不簡黜陟不公者○閫帥之侵虐軍卒肥已善事者○文武人才沉滯不振輿情

稱屈者並令廩問○道內有蔑倫敗常壞民俗者
興訛造言惑亂民聽者○賫勒驅使私役民力者
并令詢訪摘發囚禁啓聞○守令掩置人倫大罪
不爲成獄者○冤獄之不得伸理者勿論久近並
皆訪問○滯獄累年官吏互相推諉久不處決者
○土豪廣占農庄欺隱田結劫奪良女爲奴妻招
接人戶接置籬下以資私役者○養戶之弊三面
充甚民結戶首獨自多占計其徭役倍數加徵民
不堪命畏其威脅莫敢告官者○頑惡鄉吏欺公
害民橫暴自盜者○營吏邑民防納進上物種以

賭厚利者○州縣將官色吏討食軍兵者並令痛懲○孝廉貞異之類賤人之有至行者訪問旌賞雖其人已死並許舉其實跡以聞○鰥寡孤獨顛連無告者及士民之年百歲以上者亦令訪問○二十五年吏曹判書申琬達啓近來御史不過暫爲厯過於境內只聽一二人之言以此書啓雖善治守令何能每人而悅之耶或有落訟者及得罪官家之人則其言固不可信必須遍問一境言言皆實然後始爲書啓則守令何能逃其罪乎且所謂不法文書乃是守令私用踏印着押文書而

今則只捧俵音於下吏謂之不法文書故下吏以爲其時恟於御史威風不得不納招云故行查之後無不得脫御史苟得私用踏印文書呈納則豈有得脫之理乎前頭雖有廉問之時下吏捧招使不得進呈而廉問失實者亦當有警責矣上曰其所擬文書中無踏印着押者勿爲施行可也

補景宗二年李明彥

時承旨

進啓御史不時出送則

八路守令不知御史之出於某道皆自警勅所送者雖一道而八路皆有聳動之效矣若一時盡送於八路則守令暫爲警勅於其時而御史還歸之

後復如前日莫如推柱一二邑不時發送如是者數則各道守令必爲畏戢矣成廟朝一日講筵畢後命留玉堂一人賜匱置行資於其中即爲命送其家人亦不知之云至今傳爲美談從之

○補英宗十一年暗行御史廉訪時備局節目○一必擬可據文書後始爲封庫○一非柱邑則雖有所聞自可歸奏毋得一體書啓○一往來秘密毋得掩滯○一營將治盜察訪馬政亦令廉察○一料販牟利最爲厲民者○一守令之餘結以錢代捧○一還穀儲置私自殖利○一西北守令違將

把守將領之冒禁捧蓼○一諸宮家各衙門差入
之濫捧收稅○一歲抄磨勘後闕額現發○一各
營門定額外加定○一統兵水營差備木勤捧十
升○一官債私債定式外加捧○一八槩不極島
銳穴窄○一湖南監兵水營私募雜色罷定良役
後不遵節目○一平安道詳定外違越者

敬差官

本朝置穴傷敬差官堂下文臣分遣諸道檢覈田政
有左右南壯道則與都事分察又有黃腸敬差官長
生殿官負粟木敬差官奉常寺官負分遣又有推考

敬差官

差使員

本朝有點馬差使員堂下朝官分遣諸道慶尚左道則以司僕

寺正點檢牧場詳見兵考又有領赦差使員堂下朝官補

又有橋梁差使員陵幸時則以畿邑守令差出藥材差使員以該道令

守差出上納御用藥材陞戶差使員以列邑守令差出領納漕運

差使員以各道守令箋文差使員以列邑守令差出

凡諸賀慰之事奉箋文上京○各道差使員價布差

使員以列邑守令差出

都監

①補高麗文宗始置會議都監以暗鍊事務者充之員

額無定數

都監始此

①補元宗九年侍中李晟用請修舊京宮室夏居松京冬返江都乃置京都出排都監

①補忠列王三年二月置農務都監

①補又置人物推考都監

①補四年王將如元置行從都監

①補九年置鷹坊都監

①補忠肅王五年置辨違都監尋罷之時權豪兼并弊政甚多王思欲革之置除弊所下教條列六弊

尋改除弊所謂抄理辨違都監於是中外大悅獨勢家患之訐上王罷之後曰民訐復設尋復罷

補忠穆王三年置整治都監以王煦金永晄安軸金光輒爲判事鄭珣等三十三人爲屬官分遣使臣于諸道整理弊政

補四年置賑卹都監

補恭愍王十二年設還安都監奉案九室主太廟

補十四年置殯殿國葬造慕佛齋四都監各置判事使副使判官錄事以供公主喪事

補辛禡二年置火燭都監

補麗制又有轉輸都監

補辛昌元年大司憲趙浚上疏曰凡都監有事則
置事已則罷例也造成都監初曰宮闕之作而置
後繕工之職歸之使管一國材鐵之用遣史官而
煩驛騎竭民財而盡其力取之於民也剝膚槌髓
用之於私也如泥如沙願罷都監屬繕工寺并罷
防禦火燭都監屬之軍器寺慎揀廉正者官之且
使糾正監檢以壺串宮闕之材瓦被罪籍沒之居
室兩江之材諸窰之瓦供諸營造凡斫木瓦窰之
役且停三年以休民力

本朝有事則設都監有都提調提調都廳卽廳監造
官隨事增減其規不一

補冊禮都監都提調一員

議政

提調二員都廳二員

卽廳六員監造官六員○冊世子時有傳冊官一

員

承旨

○冊世子殯時有正使一員

正一品

副使一員

正二品

傳教官一員

承旨

補嘉禮都監都提調至監造官並同冊禮都監又

有正使一員

正一品

副使二員

正二品

傳教官一員

承旨

掌畜者一員

掌苑別提

掌次者一員

典設司官

儐者一員

參下

補附吉禮都監王子婚禮主人一員

屬尊宗親

使者一

員宗親三品以下○王女婚禮主人一員屬尊宗親○世子冠

禮賓一員議政贊一員禮判傳教官一員承旨主人一員

屬尊宗親贊冠者一員補德執冠者一員尚衣正○王子冠

禮賓一員從二品贊一員從三品

○補尊踰都監都提調至監造官並同冊禮都監

○補進宴都監提調三員即廳分差官並隨時分定

進饌官司饗提調八員副提調六員傳教官一員承旨代致詞官

一員贊儀百官酒卓官一員內資寺官

○補殯殿都監提調三員中一員禮判都廳二員即廳四

員中一員禮曹郎廳監造官二員摠護使一員左議政兼摠國葬山

陵兩都監代奠官八員宗親二品以上上香獻酌官一員每各府班

首○內喪則尚食代酌大祝一員文官五品○內喪則典言大祝魂殿叅奉

二員忠衛尉二員

補國葬都監都提調一員提調四員中三員戶判禮判繕工提

調兼都廳二員郎廳六員中四員禮曹郎廳工曹郎廳濟用監官繕工監官兼

監造官六員○請謚宗廟獻幣獻酌官一員領議政

讀冊官一員文官三品讀寶官一員文官三品捧冊官一員

五品捧寶官一員五品○上謚冊寶冊官一員領議政讀

冊官讀寶官捧冊官捧寶官並同請謚代致詞官

一員相禮○內喪上謚冊寶傳教官一員承旨讀冊官

一員尚宮讀寶官一員尚服捧冊捧寶官一員尚書

○山陵都監都提調一員提調四員中二員工判繕工提調兼

都監二員郎廳八員中一員繕工監官兼監造官六員頓遞

使一員漢城判尹梓宮上字書寫官一員一品銘旌書寫

官一員嘉善以上題主書寫官一員文官堂以上山陵封閉

官一員執義○小喪掌令守陵官一員古則國戚或親功臣崇品為之今足

以宗親二品以上侍陵官一員內侍堂以上叅奉二員忠衛尉

二員

○遷陵都監都提調至監造官並同國葬都監

○封陵都監員數並同遷陵都監

補祔廟都監員數並上同

補復位都監員數並上同

補鑄成都監堂上郎廳掄裁官員數並未詳

補實錄都監堂上郎廳掄裁官員數並未詳

補錄勳都監堂上都廳郎廳監造官員數並未詳

補故例每當天使時調發外方人丁服役都監者

累千名馬亦百數大爲民弊光海初兵曹判書李

廷龜建請量宜收布以雇募立役內外皆以爲便

而羨布亦尚有三千餘疋

補仁祖八年穆陵遷奉時特除海崇尉尹新之繕

工提調監董陵役其後國恤山陵及宮闕修理時凡八膺敦匠之命前未有云

補孝宗二年仁祖大王將祔太廟都監都提調金堉以永安尉洪柱元人地才學不可拘常例啓請差提調近世所罕也

試官

見選舉考

祭官

見禮考

臣謹按太祖大王元年有式目錄事中軍錄事左右軍錄事太祖大王三年汰冗官以內藏庫合於承寧府保和庫合於恭安府又有

壽寧府仁順府仁壽府承世祖大王六年又
汰冗官一百壬辰丙子兵燹之後亦多廢革
而文獻散佚今無可考故不能詳錄

東國文獻備考卷之二百二十五

東國文獻備考卷之二百二十六

校正

職官考 十五

致仕

新羅依禮經有致仕法

補中侍文訓 文武王五年致仕

中侍幢元 孝昭王七年致仕

中侍魏文 聖德王十年致仕

上大等褒賦 二十八年致仕

高麗之制朝臣年七十例爲致仕

補肅宗十年侍中崔思諷致仕國制年滿七十者例不得在位從政年雖未滿上表請老則多得閑

退非上章請老者年至六十九則歲抄解職思諏
以老三上表乞退甚切魏絀廷曰崔公在官吾輩
仰如山斗今若告老奈國政何時王曲宴壽春宮
思諏起爲壽王親酌酬之執其手曰卿若告退誰
與共政朕優老重賢不忍從也對曰七十致仕禮
也臣耄矣願得閑以終餘齡許之

補明宗時崔汝諧以潛邸舊僚拜寶文閣待制汝
諧卷曰吏曹錯減籍臣年今實齒滿例當致仕王
曰吏曹錯籍天使然也勿復有言累遷政堂文學
始致仕

補神宗二年崔忠獻忌舊臣兩府宰臣二十人追令致仕

補忠列王二十四年同僉資政院事李承休上言曰本朝之制未有年過七十而除拜顯官者目微臣而改先王之制臣之罪大矣王笑曰先生非他人比仍捉上官承休強就職日上書乞退甚切王不得已進密直副使仍令致仕

補恭愍王六年門下侍中李齊賢乞以本職致仕從之國制封君致仕頒錄有差故齊賢以爲既老而猶受厚祿於義不安故有是請朝論以爲本職

致仕非所以敬大臣也復封鷄林府院君

補

侍中柳允孚

顯宗初致仕

兵部尚書金徵佑

八年致仕

平章事姜邯贊

十一年致仕

平章事張瑩

十二年致仕

平章事金因渭

同年

平章事庾方

十八年致仕

平

章事蔡忠順

二十二年致仕

內史令崔士威

同年

平章

事皇甫俞義

太史令崔沆

檢校右僕射邢研

機

兵部尚書李徵佐

右四人並年餘未改

右僕射異膺

甫

靖宗二年致仕

平章事朴忠淑

左僕射梁真

兵部尚書金思贊

右三人並年餘未改是時致仕者七十八

左僕射

李龔

六年致仕

左僕射崔輔成

右僕射趙顥

上

將軍金洪光 平章事皇甫穎 平章事李端

平章事金令晃 右六人並年條未改 檢校司徒李仁靖 文宗

六年致仕 內史令崔冲 九年致仕 平章事金廷俊 兵

部尚書金元晃 檢校侍中朴成傑 平章事任

從一 右四人並年條未改 中書令王寵之 二十一 平章

事金義珍 叅知政事李徵望 右僕射高烈 右三

人並年條未改 平章事鄭惟產 三十四 左僕射盧朝

宣宗初致仕 侍中文正 十年致仕 國子祭酒韓俊 十一

仕 刑部尚書朴楊朝 中書令崔思諒 侍中

李靖恭 右三人並年條未改 少府監文象 肅宗朝致仕 平章

事金先錫

七年致仕

侍中邵台輔

八年致仕

侍中崔思

諏

十年致仕

守司空郭尚

平章事吳壽增

司徒

慎修

平章事林繁

右四人並年餘未致

守司空林幹

肅宗

元年致仕

檢校太尉李預

上柱國李顥

太學士

尹瓘

守司空王嘏

檢校司徒吳延寵

右五人並同年

侍中魏絳

二年致仕

樂浪伯金景庸

平章事

崔弘嗣

右二人並同年

平章事任懿

五年致仕

尚書柳澤

六年致仕

司空文冠

同年

平章事許慶

八年致仕

檢校

司徒崔挺

同年

叅知政事孫冠

平章事金上琦

叅知政事庾祿崇

右三人並年餘未致

石僕射高義和

十二年
致仕
平章事康拯
同
侍中李璫
致仕
十三年

叅知政事高令臣
樞密使金漢忠
叅知政事

朴景仁
叅知政事李軌
右四人並
平章事林

有文
致仕
左常侍李冲
年條未攷
侍中李公壽

九年
致仕
太尉崔思金
平章事金向
有玉邈○右
二人並同年

檢校太師李齊挺
致仕
平章事崔弘宰
年致

仕
樞密使林景清
同年
平章事金若温
致仕
十七年

禮部尚書康滌
致仕
侍中金富軾
致仕
二十年

平章事崔滋盛
年致仕
戶部尚書許載
二十年

致仕
叅知政事金克儉
年條未攷
贊成事林彦
仁宗元年

致仕 平章事任元濬致仕 年 平章事任元淑致仕 年

致仕 侍中王冲致仕 年 叅知政事陳淑 平章事崔

灌 叅知政事尹誦 平章事高兆基 政堂文

學尹彦頤右五人並致仕 年 平章事梁元俊致仕 年 叅

知政事申淑致仕 年 平章事崔惟清致仕 年

平章事朴純忠 平章事崔裒右二人並同年 政堂

文學崔汝諧致仕 年 叅知政事李公升致仕 年

叅知政事崔俞嘉明宗四年致仕 年 平章事韓就致仕 年

侍中鄭仲夫致仕 年 工部尚書咸有一致仕 年 上

將軍宋慶寶致仕 年 平章事閔令謨致仕 年

司空崔遇清

年條未攷

禮判賓事宋貯

十七年致仕

工

部尚書曹元正

同年

平章事林民庇

二十年致仕

平

章事韓文俊 政堂文學廉信若 政堂文學柳

公權 平章事柳光縉

右四年並年條未攷

侍中趙永仁

神宗元年致仕 平章事崔謹 平章事崔詵 平章事

于述儒

右三人並同年○是時不請而仍令致仕者二十人

守司空王珣

六年致仕 叅知政事李春

有木遷 老

同年 左僕射田元

均

年條未攷

平章事王珪

熙宗元年致仕

平章事奇洪壽

高宗初致仕 樞密副使蔡靖 樞密副使宋洪烈

右二

人並年條未攷 左僕射庾資諒

六年致仕

平章事琴儀

七年

致仕

平章事柳光植

八年致仕

侍中李杭

十一年致仕

左僕射柳澤

左僕射庾應圭

平章事崔洪胤

禮部尚書韓光衍

叅知政事鄭邦輔

右五人並年條

未改

樞密使崔正華

十六年致仕

平章事李奎報

二十

四年致仕

樞密副使許遂

同年

平章事任景肅

寶

文學士李百順

平章事宋恂

密直副使安孚

禮賓卿崔珩

樞密副使柳洪林

右僕射崔

施

翰林學士趙通

太僕卿張自牧

判秘書

白光臣

守司空李俊昌

守司空李世長

典

峇令鄭肅

凝川公朴臣

版圖判書南熏

平

章事崔滋

右十六人並年條未攷

政堂文學趙脩

四十二年致仕

平章事金台瑞

四十四年致仕

平章事金之岱

元宗初致仕

仕

叅知政事朴成梓

三年致仕

守太傅李世材

四年

致仕

守太尉金純

守太傅崔昱

守司空金允

仕

樞密副使奉禧

政堂文學鄭芝

叅知政

事崔永

守司空李甫

大將軍宋肅

平章事

金起孫

樞密副使宋義

樞密副使洪百壽

左僕射李湊

樞密副使宋君斐

侍中趙珍

右十

四人並年條未攷

禮部尚書李穎

忠烈王元年致仕

僉知議

張鎰

同年

贊成事柳璥

四年致仕

神虎衛大將軍吳

光札 某官皇甫琦 某官崔瑛 中贊宋松禮

某官邊尹 右五人並
年條未致 中贊金方慶 九年
致仕 判

書康允紹 同年 知僉議朱悅 太傅元傳 右二人
並年條

未致 贊成事韓康 十四年
致仕 知僉議權昞 十五年
致仕

贊成事洪奎 十七年
致仕 密直副使崔雍 十八年
致仕

知僉議池允輔 中贊張暉 密直副使李益

培 密直副使金孝臣 密直副使嚴守安 贊

成事李德孫 右六人並
年條未致 中贊洪子藩 二十一年
致仕

贊成事任詡 同年 密直副使李承休 二十四年
致仕 中

贊金瑋 同年 中贊鄭仁卿 二十五
年致仕 贊成事崔守

璜 年二十七致仕

贊成事蔡謨 年二十八致仕

都僉議王公

有日

中贊廉承益

中贊薛公儉 右三人並年條未致

贊成事金富允 年二十九致仕

中贊蔡仁揆 同年 贊成

事伍允孚 年三十致仕

中贊安裕 年三十二致仕

贊成事

金暉 版圖判書李景茂 贊成事曹允通 大

司成尹諧 三司使鄭守琪 翰林學士崔祐

中贊宋玠 判宗簿事蔡滋 糾正朴鉉 版圖

判書崔藹 密直副使韓英 監門衛大護軍任

澍 同知樞密洪喬 衛尉寺尹金良鑑 贊成

事金璉 秘書尹洪侃 判書卜奎 衛尉朴之

彬 選部典書成貯 都僉議趙仁規 國子祭

酒金時彦 右二十一人
並年條未致 贊成事閔宗儒 忠宣王
元年致

仕 評理吳良遇 同年 中贊金之淑 二年
致仕 政丞

李混 四年
致仕 贊成事薛景成 五年
致仕 贊成事鄭芝

衍 贊成事崔毗一 評理鄭僖 右三人
並同年 贊成

事兵詞 驪興府院君閔漬 密直副使姜軒

評理曹元瑞 贊成事閔萱 版圖判書崔謁

讞部典書李行儉 大護軍鄭晟 民部尚書秋

適 右九人並
年條未致 民部尚書李晟 忠肅王
元年致仕 贊成

事元瓘 民部尚書李伯經 贊成事宋英 政

丞裴挺 金海府院君許有全右五人並年條未致 贊成

事朴全之八年致仕 政丞金利用同年 贊成事崔誠

之十一年致仕 政丞尹瑄十六年致仕 政丞金台鎬

選部典書崔得枰 典理佐郎朴文有 密直副

使朴華 贊成事吳璿 政堂文學辛藏 侍中

趙簡 評理李崐乙 侍中趙子龍 判都津事

鄭惟義 大護軍盧亶 評理權允明 上護軍

姜彥 大護軍金台輔 奉詔裴英之 奉翊李

連 杞溪君尹莘傑 贊成事柳墩右十八人並年條未致

評理尹宣佐忠惠王元年致仕 政堂文學李兆年後二年

年致仕

左司補王伯年同

祭酒禹倬民部尚書

李福得

右二人並年條未致

興寧君安軸

忠穆王四年致仕

政

丞韓宗愈

忠定王元年致仕

海平府院君孫琦

恭愍王元年致

仕

侍中李齊賢

六年致仕

侍中李凌幹

同年

政丞

金承澤

七年致仕

平章事鄭子厚

平章事李謙

笠山府院君全元發

評理金光載

鐵城府院

尹李崑

政堂文學李文挺

右六人並年條未致

密直提

學尹澤

十三年致仕

瑞寧君柳淑

十四年致仕

侍中李

公遂

密直副使朴秀

密直副使韓卿

檢校

禮賓卿金仁晦

司宰令韓希迪

監門衛大護

軍申思敬 判典客吳允俠 宗簿令元允迪

判密直禹福生 禮賓卿金鼎卿 贊成事河楫

典工判書權興 評理公永張 右十三人並年條未攷

福川府院君孫洪亮 辛福時致仕 判司天監事柳方

澤 同上 大護軍李玼 侍中趙臣赫 密直副使

全侑 判秘書全光韻 監門衛大護軍楊臣松

民部典書洪文度 上護軍金甫 興校令洪

彥邦 大護軍楊貯 僕射朴瑊 密直副使禹

倅 司宰令李佶 金紫光祿大夫金得齊 贊

成事洪敬 禮儀判書林梓 判禮賓金義 書

雲正柳開 判典客金永仁 版圖判書李釋之

版圖判書全淑 典客令柳成臣 右二十一人並世代未致

補臣 謹按新羅致仕僅得若而人而文獻茫

昧未能詳徵至於高麗之制既已致仕之後

從政進秩自同常人一人或有三四次致政

者故只以最初休退時官銜書之伊後至再

至三並不舉論

本朝堂上正三品以上官年七十者許致仕稱奉朝

賀定十五員

太宗十六年首相河崙請行致仕之法上詢諸臣

趙末生對曰七十致仕古之良法凡年至而請去者聽有問則召焉上從之

補臣謹按太宗壬午領相李舒致仕乙酉還卜同年又再致仕則前此又有致仕之法而今於十六年河崙始請云者可恠

補經國大典 功臣則稱某君奉朝賀餘則某官某職奉朝賀吏曹及兵曹分授

續大典通編 原爲通政以上作散人付錄之職今則致仕後始付奉朝賀無定數

世宗十一年右議政柳寬引年致仕上命給第四

科祿終其身

補文宗朝藝文提學尹祥致仕在鄉令所在官月致酒食致仕卿宰之月致酒食自祥始

成宗朝頒降大典定奉朝賀耆老所堂上官只於正至誕日以常服肅拜堂上官致仕者該曹該邑月致酒食

補明宗朝左尹李滌謝事家居不受祿大臣沈連源尚震啓爲奉朝賀受祿而終其身

補判中樞宋純有庶叔每曰職居宰相者吾見自西小門出未見從南大門出者蓋談其仕宦

于京者至死不去也純每嫌其言後以閤城留
守納節而歸語庶叔曰吾今得出南大門矣賜
西樞致仕祿

補宣祖二十二年判中樞鄭宗榮致仕歸原州田
里特命給馬且教曰欲爲引見聞卿難於行步故
不果賜阿多介一部胡椒一斗遣中使宣醞于漢
江樓命一行子第親族及餞送人員並爲八叅書
其姓名以啓自闕下至漢江道路聳觀老吏舊卒
填滿車下多歎息泣下者都門外祖送之盛至於
六曹回文廢衙而會焉

三十六年判府事鄭琢乞致仕上下其議禮曹啓
曰士夫七十而致仕者乃是禮經而有德則君不
許亦是禮經我國古制雖未詳知叅以見聞亦有
所傳文武官致仕者有陞秩給捧賜勅之典又有
給驛還鄉月給食米之教是雖古禮今無可據之
例上曰禮經有致仕之文國典有致仕之法前代
有致仕之制惟我國獨不行之似乖優老之意老
者安之大夫懸車古道也今琢退去其鄉仍乞致
仕從其願恐無不可遂從其請

補李晬光曰府尹李彥憬年八十欲得奉朝賀

吏曹以無前例不許其不曉故事甚矣

補又曰七十致仕法也而祖宗朝以來致仕者
蓋鮮大臣請老則賜几杖而已近世宰臣致仕
者惟八溪君鄭宗榮領府事沈守慶鄭琢寧原
君洪可臣外無聞焉

補又曰法典堂上官致仕者及堂上官妻年七
十以上者月致酒肉在平時行之不替而亂後
無此例殊爲欠典爾

補孝宗朝領中樞趙翼屢疏乞致仕上終不許
安邦俊在寶城聞翼請老馳書相賀手製草履

以送之

肅宗九年領府事宋時烈致仕領議政金壽恒請
領之以領中樞常錄月致廩粟以示禮待惠養之
意從之教曰大臣致仕事體似當有別不必以常
例爲拘酒肉之外月致廩粟可也仍爲例

補舊例相臣致仕則不入於枚卜而宋時烈致仕
後左議政閔鼎重啓請枚卜後遂爲例英宗朝許卜

人李秉常致仕後亦依例卜八

補宋時烈曰七十致仕人臣之大防也朱子於六
十九戊午盡其文字及人事諸物預送京師於翌

年已未正月輒卽投進其不可一刻緩也如此

補南九萬與崔錫鼎書曰古之致仕伊尹曰告老歸私周公曰明農哉必無既致仕而仍在朝之理漢唐以下亦未聞有在朝之例我國法典奉朝賀蓋國家不欲一時退斥老臣有此委曲作法縻祿許留之事國家德意可謂至厚至渥然人臣自處之道既以筋力不堪任職致仕而又食祿供職無論閑緊豈非無義之甚者耶

補英宗二十一年江華留守李秉常引年乞退荅曰七十休致雖云禮防自古雖曰七十行公者多

况卿以歷事二朝逮于今日予豈忍許卿休致
卿豈忍謝事自休而但卿心本恬雅之操年纔
七耄新登耆府歲首八侍引謝請休其時以嘉
卿心之意下教於承宣者而五朔之內連上三
章章又上而懇罕篤雖過固執心則可尚昔年
故奉朝賀李世瑾以宰臣年纔七旬陳懇請休
嘉其操而特許請矣今者卿之若是固執其雖
曰過矣獎其恬雅王政之乃先先宰臣而後重
臣表其清操亦御世之一道也特許其請以彰

卿心又因相臣所奏加賜米豆

正卿之月致
米豆始此

補

判三司崔永祚

致仕宗朝

領議政李舒

太宗二年

致仕五年
再致仕

寧城府院君吳思忠

青海君

李之蘭

右二人並
年條未攷

領議政權仲和

致仕八年

領議政河崙

致仕十六年

檢校右議政李貴齡

世宗朝
致仕

贊成權衷

判中樞元庠

判尹

許周

右三人並
年條未攷

領議政柳廷顯

致仕八年

判

府事柳寬

致仕十一年

領議政李稷

左議政權軫

致仕十五年

左議政孟思誠

致仕十七年

仕
吏曹叅判宋愚

贊成鄭以吾

漢城

府尹尹會宗

右三人並
年條未攷

贊成安純

致仕二十二年

知中樞李貞幹

年二十三致仕

領議政黃喜

年三十一致仕

藝文提學尹祥

文宗廟年致仕

領議政河演

元年致仕

知中樞閔大生

副令尹子均

僉知崔士柔

奉翊權居南

右四人並年餘未致

副提學曹尚治

世祖朝致仕

石議政李仁孫

四年致仕

兵曹判書李蒙哥

戶

曹判書鄭崇祖

青海君李孝貞

右三人並年餘未致

贊

成魚孝瞻

成宗五年致仕

正言丁克仁

光原君金伯

謙

右四人並年餘未致

領府事柳洵

中宗五年致仕

工曹判書

安琛

九年致仕

狼城君韓堡

十一年致仕

兵曹判書李

孫

十二年致仕

大司憲丁壽崗

開城留守李滋

海豐君李菡 叅贊宋純 開城留守李滌右五

年條未改 兵使崔終浩宣祖朝致仕 判中樞鄭宗榮十二

二年致仕 判府事沈守慶三十一致仕 判府事鄭琢十三

六年致仕 刑曹判書洪可臣光海三年致仕 判府事具仁

盧孝宗七年致仕 刑曹判書李澣顯宗朝致仕 領府事宋

時烈肅宗九年致仕 吏曹判書李觀徵二十年致仕 領府

事南九萬三十三年致仕 領議政崔奎瑞英宗甲辰致仕 吏

曹判書沈檀 大司憲李世瑾右二人並致仕 判府

事閔鎮遠九年致仕 李光佐時領府事 判府事李

台佐十二年致仕 領府事李宜顯十八年致仕 判敦寧

李秉常

年二十一
致仕

兵曹叅知朴鵬琦

年二十二
致仕

判

敦寧尹陽來

年同

知敦寧金有慶

年未
致仕

領府事

金興慶

年二十五
致仕

吏曹判書元景夏

年三十二
致仕

吏

曹判書徐宗俊

年三十三
致仕

領府事金在魯

年三十四
致仕

判敦寧李喆輔

年三十六
致仕

領府事俞拓基

年三十

致仕

金尚魯

○時領府事
同年

判敦寧韓師得

年三十九
致仕

判敦寧洪重徵

洪啓禧

○時判敦寧
四十一年致仕

兵曹叅判朴聖源

年四十二
致仕

刑曹判書金尚翼

年四十三
致仕

刑曹判書南有容

年同

知中樞李光溥

年未
致仕

判敦寧洪象漢

年四十五
致仕

兵曹判書李燮

元年四十六致仕

吏曹判書鄭實

領府事洪鳳漢二右

人並同年

吏曹判書趙暉年四十七致仕

刑曹判書洪重

孝年四十八致仕

大司憲南泰著年同

判尹金始煥四十

九年致仕

判府事金致仁

李彥衡

時工曹判書○右二人並同年

李最中

時吏曹判書○五十年致仕

洪國榮

時吏曹叅判○今上三年致仕

吏曹判書徐命膺

四年致仕

吏曹判書趙重晦同年

①補大臣致仕後重卜太宗壬午領相李舒致仕乙酉還卜

同年又再致仕己丑又還卜中宗庚午

原任柳洵致仕甲戌還卜英宗癸丑原任李光

仕致仕丁巳還卜癸巳原任金致仁致仕今上丙

申特付西樞赴燕還復奉朝賀丙午又重卜拜領
相

附賜几杖

〔補〕新羅文武王四年金庾信請老不許賜几杖賜
几杖始此

〔補〕憲德王十一年伊飡憲貞年未七十病不能行
賜金飾紫檀杖

〔補〕文武王四年舒發翰金庾信 十六年宰相陳
純

〔補〕聖德王二十七年上大等褒賦

補憲德王四年伊飡忠永 十一年伊飡真元

伊飡憲貞 十五年角于元順 角于平原

補高麗文宗七年制曰侍中崔冲累代儒宗三韓
耆德今雖請老未忍允從宜令所司稽諸古典賜
几杖視事

補十一年左僕射智猛乞退不允中書省奏曰七
十致仕禮也請許之王以智猛之先有功於國家
難之欲許數年侍朝繼賜几杖中書省又奏禮凡
老臣知天地之事則賜几杖今猛徒藉門蔭而不
知天地之事又無矢石之勞其餘政事無所咨訪

若念先臣功勞賜一年侍朝可也加以數年又賜几杖恐恩禮太重請收成命王從之

補明宗五年鄭仲夫年已七十不欲去位郎中張忠義阿意說之曰宰相賜几杖則雖七十不致仕仲夫諷禮官依漢孔光故事賜几杖國事皆關決補高宗五年崔忠獻以年滿七十陽欲致仕王知其意賜几杖令視事

補二十九年侍中崔宗峻以年老乞退詔曰崔侍中筮仕以來終始一節清廉奉國遷都衛社功無與比豈循常例遽令謝事遂賜几杖

補忠烈王二十八年左中贊洪子藩請老賜象牙杖以寵之

補顯宗初侍中韋壽餘十年門下侍郎姜邯贊

補靖宗七年侍中徐訥

補文宗七年侍中崔冲三十四年平章事鄭惟

產

補肅宗四年侍中邵台輔

補睿宗二年守太保金景庸

補毅宗初平章事王冲

補明宗五年侍中鄭仲夫

補高宗五年中書令崔忠獻 二十九年侍中崔

宗峻

補忠烈王二十六年中贊宋玠 二十八年中贊

洪子藩

補忠肅王時政丞鄭方吉

補恭愍王時贊成事孫洪亮

補本朝仁祖元年領議政李元翼以老病求遯不
已上以其進退係國家安危不許命賜几杖遣史
官宣醢特賜一等樂

補顯宗九年領中樞李景奭命賜几杖宣醢賜樂

一如李元翼

詳見禮考

補英宗十七年領議政金在魯請依文宗朝清平君李伯剛故事賜錦平尉朴弼成几杖弼成孝廟朝駙馬而是年恰滿九十賜几之日宣醞賜御製詩以寵之仍命依奉朝賀例大小朝會持几杖行續今上七年以宗室鶴城君榆年滿九十特命依先朝錦平尉朴弼成例特賜几杖宣醞賜樂又命錄用其子孫宗班几杖國朝所未嘗有也

補太宗十五年領議政成石麟

補世宗朝判書柳觀

改名寬○几校後大拜

十四年領議

政黃喜 二十一年右議政許稠 二十三年知

中樞李貞幹 二十六年右議政申繁 二十七

年右議政河演

(補)文宗朝清平府院君李伯剛

太宗朝駙馬

(補)端宗九年左議政金宗瑞

(補)世朝十年領府事鄭麟趾

(補)成宗三年領府事鄭昌孫 右議政成奉祖

十五年領府事韓明澮

睿宗成宗兩朝國舅

十七年判府

事沈澮 領議政尹弼商 二十二年判府事李

克培 二十四年鈴原府院君尹壕

几扶後大拜成宗朝國舅

補 燕山元年領議政盧思慎 二年贊成孫舜孝

六年判府事魚世謙

補 中宗元年贊成朴安性 三年贊成李蓀 五

年領府事柳洵 九年領中樞盧公弼 二十六

年領議政鄭光弼 坡原府院君尹汝弼 中宗朝國舅

補 贊成高荆山 領府事柳溥 右三人並年除未改

補 明宗三年領議政洪彦弼 左議政尹仁鏡

十年贊成申光漢 十七年領議政尚震 贊成

金明胤 十八年領府事尹漑 二十年右議政

李冀

補宣祖元年領議政李浚慶 五年領議政權轍

六年左議政洪運 十八年領議政盧守愼

右議政鄭惟吉

補仁祖元年領議政李元翼

補顯宗九年領府事李景奭

補肅宗元年右議政許穆 五年領議政許積

十五年領議政權大運

補英宗十七年錦平尉朴弼成

孝宗朝駙馬

補今上十八年鶴城君榆

宣祖朝玄孫

補咸陽邑誌麗末扶餘監飭趙承肅退老本郡

我朝開國後堅卧不起太祖賜沉香几序曰爾
性堅剛適與此物相似故乃賜以類銘曰文起
八代名高一國性本孤直威武不屈唐之魏徵
漢之汲黯得一人鑑社稷以賴欲賜金玉爾所
不取茲有一物與之相類類以錫之肆旋其
直雖退江湖庶無忘國

東國文獻備考卷之二百二十六



